

「樂齡 IT 易學站」長者網上學習平台
「內地智遊行」網上課程
視像文字稿

熒幕蓋字：「內地智遊行」

（「內地智遊行」網上課程圖示，包含智能手機、餐廳、外賣、導航、小錢袋、地鐵列車和的士的圖像）

為方便示範，本教學短片提及的應用程式（包括屏幕內容）和服務裝置或會加上美術效果和作出簡化，請參考實物以了解其真實外觀、功能和內容。

（鏡頭見爸爸和女兒在列車上）

女兒：老豆，我哋一陣就過關去內地，你有冇帶齊證件同埋智能手機呀？

熒幕蓋字：

- 港澳居民來往內地通行證（回鄉證）
- 香港身份證
- 智能手機（必需可在內地使用流動數據）

爸爸：梗係有啦！我又喺手機預先安裝同埋設定好嚟內地用嘅流動支付程式，仲有幾個實用程式，方便我喺內地用智能手機俾錢買嘢、外賣，用餐嘅時候可以自助點餐同埋俾錢，或者向餐廳訂位同埋遙距排隊添！

熒幕蓋字：支付寶、WeChat Pay、支付寶香港、WeChat Pay HK

女兒：係呀，有啲 apps 仲可以用嚟搵景點同埋其他好去處，又可以用嚟搭車添！

熒幕蓋字及程式圖示：攜程旅行、去哪兒旅行

女兒：等我一陣再同你分享更多實用 apps 啦！係呢，你登記咗「非觸式 e-道」未呀？

爸爸：我一早用「智方便」登記咗「非觸式 e-道」啦！用佢嚟自助過關，更加快捷、方便同埋衛生啦！

爸爸：依家到我考你，你有冇準備好喺內地用到嘅流動數據服務呢？

女兒：梗係有啦！有流動數據先可以用手機搵餐廳同埋景點同你去！

（鏡頭一轉，姑丈和姑姐在列車上）

姑丈：好快就到落馬洲站，我哋拎住行李箱，等我用港鐵「關愛共乘」app 嘅快捷出站功能，搵定邊卡車、邊個車門最近升降機。我哋一陣由左邊車門落車，好快就去到升降機位置喇！

姑姐：我尋日都有睇過呢個程式嘅功能介紹短片

港鐵「關愛共乘」流動應用程式

下載網址：<https://www.mtr.com.hk/ch/customer/services/mtr-care-redirect.html>

短片網址：<https://youtu.be/Bo0Fm9rXcds>

姑姐：我仲睇埋港鐵教用「12306」程式登記帳戶、買高鐵車票、改票同埋退票，又或者登記會員計劃嘅教學短片。下次我哋試下用「12306」買高鐵車票去內地啦！

中國鐵路「鐵路 12306」流動應用程式

下載網址：<http://dynamic.12306.cn/otn/appDownload/download>

短片網址：

1. 登記帳戶：<https://youtu.be/WBDMbRihXO8>
2. 買高鐵票：<https://youtu.be/iF6IUBiyVNY>

3. 改票、退票：<https://youtu.be/ftq4blpWqKA>
4. 登記會員計劃：<https://youtu.be/prOLDcrWALw>

（鏡頭一轉，女兒在另一場景介紹內地智遊行出發前準備）

女兒：我哋依家重溫一下出發到內地前要準備嘅事項啦！首先就係帶齊有效嘅回鄉證同埋香港身份證。跟住就係喺智能手機預先安裝同埋設定好嘅內地可以用手機畀錢、點餐或者搵地方等等嘅 **apps**，而剛才提到嘅流動支付程式，即係支付寶同埋微信支付，都有提供內地版同埋香港版，方便大家視乎行程需要去選用唔同版本。呢啲 **apps** 一般都需要流動數據服務，老友記可以考慮申請漫遊或者其他內地適用嘅流動數據服務，咁出行就更加方便啦！接住落嚟我哋會繼續介紹內地實用 **apps**，老友記千祈唔好錯過呀！

（鏡頭一轉，姑丈和姑姐在商場內）

姑丈：我未過關前用「微信跨境遊」買咗飲品，我哋依家過去就有得飲喇！

姑姐：好呀！

（畫面顯示如何選擇「微信跨境遊」的方法）

1. 開啟「微信」程式
2. 按「我」
3. 選擇「跨境遊」

（鏡頭一轉，姑丈和姑姐正在一間飲品店內）

姑姐：用手機訂購，慳咗排隊時間，真係好方便！

姑丈：係呀，喺「微信」可以搵到唔少商家嘅小程序，仲可以用呢啲小程序喺堂食點餐、外賣自取或者外送。例如想買飲品外賣，首先喺「微信」首頁揸「發現」，然後選擇「小程序」，再選擇「搜尋」，然後輸入商家名稱，搵到商家嘅小程序之後，就可以揀嘢飲同埋俾錢，然後就可以到店自取，夠晒方便！

（畫面顯示「WeChat Pay HK」的程式界面）

姑姐：真係好方便！咁喺手機畀錢使唔使預先入錢去電子錢包呢？

姑丈：用戶可以按需要預先增值，包括以現金、信用卡、銀行帳戶或者「轉數快」等方式增值。另外，可以將電子錢包直接連結銀行帳戶，然後設定好預設付款方法，畀錢嘅時候就更方便快捷！

（鏡頭一轉，爸爸和女兒在地鐵站內，有指示註明「福田口岸／地鐵（龍華綫）」和「Futian Port/Metro (Longhua Line)」）

女兒：老豆，我哋而家去邊？

爸爸：我響茶樓訂咗位，我哋不如搭地鐵去食嘢先啦！

女兒：好呀！

（鏡頭一轉，爸爸和女兒在列車上）

爸爸：我剛才去到地鐵站免費專用通道入口，向職員出示回鄉證證明夠 60 歲，就可以入閘，免費乘搭地鐵喇！

（畫面顯示「支付寶香港」的程式界面）

女兒：我就用咗「支付寶香港」嘅「易乘碼」搭深圳地鐵，仲預先設定好用港幣餘額定係直接喺已經連結嘅銀行帳戶扣車費，真係好方便！

爸爸：我都有試過預先增值，方法包括現金、銀行帳戶或者網上銀行等方式增值。

女兒：係呢，你咁叻識用 apps 訂位嘅？

爸爸：係呀，我安裝咗呢 4 個同內地美食有關嘅程式

（畫面顯示「大眾點評」、「餓了麼」、「美團」和「美味不用等」四個程式）

爸爸：例如「大眾點評」提供好多餐飲同埋玩樂資訊，我今次就用咗程式嘅訂座功能。選擇好訂座時間、人數，同埋確認好訂座人嘅姓名同埋手機號碼等資料，就訂到位，夠晒方便！

女兒：我都有用呢個 app 嘅遙距排隊功能，咁就可以縮短去到餐廳之後等位嘅時間啦！

「大眾點評」流動應用程式下載網址：<https://www.dianping.com/app/download>

爸爸：好，我去到茶樓再同你分享更多程式！我哋準備落車喇！

女兒：好呀！

（鏡頭一轉，爸爸和女兒在茶樓內）

女兒：老豆，你仲有咩 apps 要同我分享？

爸爸：梗係有啦，我除咗用咗手機掃碼點餐之外，仲用咗美團睇睇呢間茶樓有咩美食團購優惠，又喺買之前同店員確認幾時可以用，買完之後向店員出示番二維碼，店員掃碼確認。係咪好方便呢？

「美團」流動應用程式下載網址：<https://i.meituan.com/c/OThhYWM2N2Qt>

女兒：我知道「美味不用等」呢個 app 都有遙距排隊同埋預購優惠嘅功能，啱晒鍾意四出搵食嘅我！

「美味不用等」流動應用程式下載網址：

https://sj.qq.com/appdetail/com.puscene.client?&from_wxz=1

爸爸：另外，我仲知道「餓了麼」有提供美食外賣服務，揀啱食品同埋消費金額符合個別商家嘅外送要求，商家會將訂購食品送到指定地方，真係夠晒方便！

「餓了麼」流動應用程式下載網址：

<https://h5.ele.me/download/?from=elemzhuzhan>

女兒：咁多 apps 可以幫手搵食，真係要做多啲運動先得！我哋食完嘢就同姑丈、姐姐會合，一齊去行吓啦！

爸爸：好！

（鏡頭一轉，姑丈和姐姐在街道上，爸爸和女兒正走向他們）

姑丈：你哋嚟噃！

爸爸：你好！

女兒：姐姐、姑丈，你哋好呀！

姐姐：你好呀！你今日會帶我哋三位老友記去邊度玩呀？

女兒：我都用咗幾個 apps 嚟幫手搵好去處！

（鏡頭一轉，女兒在另一場景介紹流動應用程式）

女兒：例如之前提到嘅「大眾點評」app，可以用呢個 app 買戲飛睇戲，仲有唔同種類嘅景點俾大家參考。只要揸景點頁面右上角地圖功能，仲可以喺地圖搵景點。揀到景點之後，仲可以即刻睇到前往嘅方法同埋需要時間添！

女兒：至於用「美團」app，就可以買埋部分景點嘅門票，咁就唔使去售票處排隊啦！

女兒：如果大家喺內地短線旅行，可以睇睇「攜程旅行」app，呢個 app 提供一站式資訊，方便大家搵到唔少交通、酒店、美食同埋景點嘅資料！

「攜程旅行」流動應用程式下載網址：<http://m.ctrip.com/m/41>

女兒：仲有一個 app，就係「去哪兒旅行」，呢個 app 同樣提供唔少同內地旅行有關嘅實用資訊，當然唔少得介紹我哋而家身處嘅深圳啦！

「去哪兒旅行」流動應用程式下載網址：<https://www.qunar.com/>

女兒：另外，我想介紹「高德地圖」提供嘅數字地圖內容、導航同埋位置服務，可以喺我哋出行嘅時候，好方便就搵到目的地嘅前往方法同埋相關資訊！

「高德地圖」流動應用程式下載網址：<http://m.amap.com/>

女兒：最後一個要介紹嘅 app 係「滴滴出行」，我哋可以用呢個 app 「打車」載我哋去到目的地，既方便、又快捷！

「滴滴出行」流動應用程式下載網址：<https://www.didiglobal.com/download>

姑姐：咁多實用程式，我都要努力試用，下次同大家交流多啲先得！

熒幕蓋字：「內地智遊行」